



Nuuk ulloq 13. aggusti - 2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqqutit:**

- 1. 2019-mut Aningaasanut inatsimmi peqqinnissakkut kiffartuussinerit suut Naalackersuisut sipaarutiginiarpaat?**
- 2. Peqqinnissaqarfimmi immikkoortut sorliit sulisussaaleqinerpaappat, nunap immikkoortui taamatullu napparsimaviit ataasiakkaat eqqarsaatigalugit?**
- 3. Suunuku ilungersunartut pissutaasut Naalackersuisut isumaqarmata nunatsinni peqqinnissakkut kiffartuussinerit sipaarfigineqartariaqartut aamma/imaluunniit nappaatit katsorsarneqartartut ikiliniarnerannut?**
- 4. Taava allatut qanoq periuseqarnissaq Naalackersuisut eqqarsaatigaat, innuttaasut Kalaallit Nunaanni katsorsarneqarsinnaajunnaartunik nappaatillit eqqarsaatigalugit?**
- 5. Nunatsinni innuttaasunik peqqinnissakkut kiffartuussinerup ingerlanneqarsinnaajunnaarnera Naalackersuisut qaoq isumaqarfigaat?**
- 5 a. Naalackersuisut isumaqarpat tamanna ajuusaarnartoq?**
- 6. Piffissaq ungasinnerusoq isigalugu pitsaasumik peqqinnissakkut isumaginninnissaq qularnaarumallugu Naalackersuisut iluarsiiisutissanik sunik siunnersuutissaqarpat?**

(Inatsisartunut ilaasorta, Tillie Martinussen, Suleqatigiissitsisut)

**Tungavilersuut:**

Nappaaterpassuit Kalaallit Nunaanni suliarineqarneq ajoreerput aamma takornartaajunnaarluinnarpoq inunnut innarluutilinnut, tarnikkut napparsimasunut, katsorsarneqarsinnaanngitsumik nappaatilinnut aamma naliginnaalluinnartunik nappaatilinnut qanigisaasut nunarput qimallugu aallartariaqartarnerat nunatsinni peqqinnissaqarfimmit iluamik kiffartuunneqarsinnaannginnertik pissutigalugu.

Soorunami peqqinnissaqarfimmi sulisut pisuussuteqanngillat, taakkumi ilungersorlutik sulipput peqqinnissaqarfik iluamik ingerlanniarsarigaluarlugu.

Nunatsinni sungiusarneqartarnerit ingerlalluanngillat kiisalu aamma nappaaterpassuit piffissaagallartillugu paasineqarneq ajormata pitsaasumik katsorsaanerit pisinnaaneq ajorput.

Aningaasaqarnermut Naalackersuisoq sakkortusaarluni nalunaarpoq nappaatit ilaat Kalaallit Nunaanni katsorsarneqarsinnaanngitsut aamma ukiup tullianut aningaasanut inatsit sipaarfigineqartariaqartoq. Suleqatigiissitsisuni isumaqarpugut qapeqqasoq nujaajarneqarsinnaanngitsoq taamaattumik isumaqarpugut Naalackersuisut innuttaasunut nalunaaruteqartariaqartut suut nappaatit Kalaallit Nunaanni katsorsarneqarsinnaajunnaarnerisut.

Aamma tusarusunnarpoq inunnik napparsimasunik passussineq sumi ingerlanneqartalissanersoq.

Sumi tamaani sipaartoqartariaqalernera tusarlugu toqqissisimananngilluinnarpoq ersarissumik oqaatigillannguarnagu qanoq pingaarnersiuisoqarsimanersoq.

---



**SULEQATIGIISSITSUT  
SAMARBEJDSPARTIET**

Taamaattumik apeqqutikka apeqqutingaakka.  
Apeqqutikka akeqquneqarput ullut qulit iluanni.

---